

**«Чорсу буюм савдо комплекси» АЖ
акциядорларининг навбатдаги умумий йиғилиш
Б А Ё Н И**

2025 йил 16 апрел

Тошкент шаҳри

Соат 11-00

Ўтказилган жойи: Тошкент шаҳри, Шайхонтохур тумани, Заркайнар кўчаси 1 уй.

Акциядорларнинг 2024 молиявий йил якуни бўйича умумий йиғилиши Тошкент шаҳар Шайхонтохур тумани, Заркайнар кўчаси 1 уй манзилида, жамиятнинг маъмурий биносида 2025 йил 16 апрел куни ўтказилди. Йиғилишда 628 542 овозга эга бўлган акциядор қатнашди, бу жами акциядорларнинг 96,69 % ни ташкил этади, йиғилиш ўтказиш ҳукуқига эга.

Тошкент шаҳар ҳокимияти номидан ишончнома асосида Тошкент шаҳар “Муниципал активларни бошқариш маркази” ДУК, “Бозорлар ва савдо комплекслари департаменти” бошлиғи ўринбосари Шамансуров Шоаброр Шамахамович қатнашди.

Йиғилиш раёсатига бир овоздан қуйидагилар сайландилар:

Шамансуров Ш.Ш. - “Муниципал активларни бошқариш маркази” ДУК, “Бозорлар ва савдо комплекслари департаменти” бошлиғи ўринбосари

Камолов Т.К. – жамият кузатув кенгаши аъзоси,

Нигматов.Ш.Б – «Чорсу буюм савдо комплекси» АЖ директори

Йиғилиш котибиятига бир овоздан қуйидагилар сайландилар:

Урунбоев Иззатилла

Йиғилиш саноқ хайъатига қуйидаги ходимлар сайландилар:

И.Урунбоев, Норматова ва Г.Абдуллаевани

Йиғилишга «Чорсу буюм савдо комплекси» АЖнинг кузатув кенгаши аъзоси Т.Камолов раислик қилди.

Йиғилиш кун тартиби:

1. Жамият ижроия органи ва кузатув кенгашининг йиллик ҳисоботини, жамиятни ривожлантириш стратегиясига эришиш бўйича кўрилатган чора-тадбирлар тўғрисидаги ҳисоботларини эшитиш.

2. Жамиятнинг 2024 йил молиявий-ҳўжалик фаолияти якуни юзасидан ташқи аудиторлик текшируви ҳулосасини кўриб чиқиш.

3. Жамиятнинг 2024 йил якуни бўйича йиллик ҳисоботини тасдиқлаш.

4. Жамиятнинг 2024 йил якуни бўйича фойда ва зарарлари ҳисоб варагини тасдиқлаш, унинг фойдаси ва зарарларини тақсимлаш.

5. Жамиятнинг 2025 йилга мўлжалланган «Бизнес-режаси»ни, ҳамда “Даромадлар ва харажатлар сметаси режаси”ни тасдиқлаш.

6. Жамият директорини сайлаш.

7. Жамиятнинг Кузатув кенгашини сайлаш.

8. Жамиятда ўтказилган Корпоратив бошқарув тизимини баҳолаш натижаларини кўриб чиқиш.

9. Жамиятнинг 2025 йил фаолияти учун жамият Аудиторини тасдиқлаш ва унга тўланадиган ҳақнинг энг кўп миқдори чегарасини белгилаш.

10. Жамиятнинг ташкилий тузилмасига ўзгартириш киритиш ва тасдиқлаш.

11. Жамиятнинг устав капиталини қўшимча акциялар чиқарилиши йўли билан кўпайтириш ва уларни жойлаштириш муддатлари ҳамда шартларини белгилаш тўғрисида;

12. Қўшимча акциялар чиқариш тўғрисидаги қарорни тасдиқлаш ҳақида;

13. Жамиятнинг “Кузатув кенгаши ҳақида”ги низомига ўзгартириш ва қўшимчалар киритиш ҳамда янги таҳрирда тасдиқлаш;

Йигилиш регламенти қуйидагича тасдиқланди:
Асосий масалаларга 10 минутгача.
Сўзга чиқувчиларга 5 минутгача.

Йигилиш регламенти қуйидагича тасдиқланди:

1. Биринчи масала юзасидан- 5 мин	8. Саккизинчи масала юзасидан-3 мин
2. Иккинчи масала юзасидан- 3 мин	9. Тўққизинчи масала юзасидан- 3 мин
3. Учинчи масала юзасидан- 3 мин	10. Ҳиничи масала юзасидан- 3 мин
4. Туртинчи масала юзасидан- 5 мин	11. Ҳи биринчи масала юзасидан- 5 мин
5. Бешинчи масала юзасидан- 5 мин	12. Ҳи иккинчи масала юзасидан- 5 мин
6. Олтинчи масала юзасидан- 5 мин	13. Ҳи учинчи масала юзасидан - 5 мин
7. Еттинчи масала юзасидан- 5 мин	

Сўзга чиқувчиларга 3-5 минутгача.

Йигилиш кун тартибидаги **биринчи** масала бўйича жамият директори Ш.Нигматовнинг хисоботи тингланди.

«Чорсу буюм савдо комплекси» акциядорлик жамияти ўз иш фаолиятини Ўзбекистон Республикаси Президентининг 2010 йил 26 апрелдаги ПҚ -1326 сонли, Ўзбекистон Республикаси Вазирлар Махкамасининг 2012 йил 28 августдаги 253-сонли қарорлари ҳамда Тошкент шаҳар ҳокимлигининг бозорлар фаолиятига таълуқли бўлган қарор ва кўрсатмалари асосида олиб борди. «Чорсу буюм савдо комплекси» акциядорлик жамияти бошқаруви ўзининг устивор вазифаларидан келиб чиққан ҳолда бозор ҳудудида сотувчи ва тадбиркорларга қулай шарт-шароитлар яратиш, бозор ҳудудида санитар-техник ҳолатни яхшилаб туриш, эҳтиёжини туларок қондириш, бозор фаолиятини тартибга солиш, сотувчи ва харидорларга қулай шарт шароитлар яратиш, бўйича амалга оширилаётган чора тадбирлар режаси ишлаб чиқилди ва тасдиқланиб, 2024 йил давомида тегишли ишлар амалга оширилди.

-Бозор атрофи ҳудудларида ободонлаштириш ишлари амалга оширилиб, манзарали ва меваги дарахт кўчатлари ҳамда мавсумий гуллар экилди.

Ҳудудларда ёнгин хавфсизлигини таъминлаш мақсадида бозор ҳудудига ўрнатилган видео камераларни доимий ишлаши операторлар томонидан назоратга олинди. Бундан ташқари ҳудуддаги савдо дўконларидаги видео камераларни доимий ишлаши назоратга олинди. Мавжуд ёнгин ўчириш қатқонлари керакли анжомлар билан жиҳозланди.

Жамият «Бизнес режаси»нинг асосий қисми даромадлар ва харажатлар сметасидан ташкил топган бўлиб, унинг бажарилиши қуйидаги кўринишда ўз аксини топди: Ижара ҳақи режаси 2 381 800.0 минг сўм, амалда 2 634 007.0 минг сўм, режага нисбатан 252 127.0 минг сўмга кўп бажарилди. Ҳизмат ҳақи режаси 508 929.0минг сўм, амалда 531 266.0 минг сўм.

Жамиятнинг 2024 йилга режалаштирилган харажатлар режаси 4 456 380. 0 минг сўм, амалда 4 611 363.0 минг сўм, режага нисбатан 154 983.0 минг сўм кўп харажат килинди.

Соф фойда режаси 660 601.0 минг сўм бўлиб, амалда 795 585.0 минг сўм режага нисбатан 134 984.0 минг сўм кўп бажарилди.

Жамият раҳбарияти ва ишчи ходимлари ҳукуматимиз раҳбарияти, ҳокимликлар томонидан чиқарилган қарорлар асосида ўз иш фаолиятини давом эттиради.

Йигилиш кун тартибидаги **иккинчи** масала бўйича « SMART-AUDIT » МЧЖ томонидан миллий стандартларга кўра ўтказилган аудиторлик текширувлари натижалари билан таништириш учун сўз ушбу аудиторлик вакилига берилди. Аудитор вакили сўзга чиқиб, жамиятда аудиторлик текшируви натижасига кўра, жамият молиявий ва ҳўжалик фаолияти, ҳамда бухгалтерия ҳисоботлари Ўзбекистон Республикасидаги қонунчилигига мувофиқ келиши ҳақида ҳисобот ижобий ҳулоса берилгани ҳақида маълумот берди.

Акциядорлар томонидан аудиторлик текширувида қандай камчиликлар аниқланганлиги, уларни бартараф этилиши бўйича саволлар бўлди.

Аудитор томонидан ҳужжатларни расмийлаштиришда айрим камчиликлар бўлгани ва ушбу камчиликларни тўғрилаб, берилган таклиф ва тавсияларга кўра жамият ҳужжатлари тўғрилангани тўғрисида маълумот берилди (аудиторлик текшируви ҳулосаси илова қилинади).

Раислик қилувчи акциядорлардан ушбу масала бўйича овоз бериш бюллетенларига ўз муносабатларини билдиришларини сўради.

Кун тартибидаги **учинчи** масала бўйича жамият бош ҳисобчиси Г.Абдисаторова сўзга чиқиб, жамиятнинг 2024 йил якуний баланси бўйича ахборот берди. (баланс илова қилинади)

Раислик қилувчи кўрилган масала бўйича овоз бериш бюллетенларига ўз муносабатларини билдиришларини сўради.

Кун тартибидаги **тўртинчи** масала бўйича жамият бош ҳисобчиси Г.Абдисаторова сўзга чиқиб, 2024 йил якуни бўйича жамият даромадлар ва харажатлар сметасига асосан ҳамда жамият ташқи аудитори « SMART-AUDIT » МЧЖ томонидан берилган ижобий аудиторлик хулосасига, шунингдек, жамиятнинг бухгалтерия балансе кўрсаткичларига мувофик, 2024 йил якуни бўйича олинган 795 585.0 минг сўм соф фойдаси 50% қисмини яъни, 397 792,5 минг сўмни акциядорларга дивиденд тўлашга йўналтириш, жамиятнинг захира жамғармаси тўлишига оз қолганлиги инобатга олиниб, соф фойдани 23352450 сўмни жамиятнинг захира жамғармасига ажратиш (шунда захира жамғарма тўлади), кузатув кенгашига ва ижроия органига (ҳодимларига) 158251521 сўмни ажратиш ва қолган 216188529 сўмни жамият устав фондини капитализация йўли билан кўпайтиришга йўналтириш таклифини айтди.

Раислик қилувчи акциядорлардан ушбу масала бўйича овоз бериш бюллетенларига ўз муносабатларини билдиришларини сўради.

Йиғилиш кун тартибидаги **бешинчи** масала бўйича жамият директори Ш.Нигматов сўзга чиқиб, жамиятнинг 2025 йилга режалаштирилган “Бизнес-режаси” ҳамда “2025 йил учун даромадлар ва харажатлар сметаси режаси” билан йиғилиш қатнашчиларини таништирди.

Шунингдек, жамият раҳбари 2025 йилда жамият ҳудудининг барча жойларида ички инфратузилмани яхшилаш, бозорнинг ташқи кўриниш фасадига замонавий тус бериш, тадбиркорлар ва харидорларга қўшимча қулайликлар яратиш, жамиятнинг ходимлари ойликларини босқичма-босқич ошириш, қарздорликларни батамом камайтириш бўйича тегишли ишлар олиб бориб, уни бартараф этиш чораларини кўриш, пул тушумларини ошириш бўйича кескин чоралар кўриш ва бошқа амалга оширилиши режалаштирилган вазифалар ҳақида фикр билдирди.

Бундан ташқари, 2025 йил учун тайёрланган «БИЗНЕС РЕЖА» ва “Даромадлар ва харажатлар сметаси режаси”даги кўрсаткичлар бугунги кунда амалда бўлган Тошкент шаҳар ҳокимининг 2025 йил 14 февралдаги 101-14-0-Q/25-сонли “Тошкент шаҳридаги бозорлар ва савдо комплексларининг маъмурияти томонидан ундириб олинadиган бир марталик йиғимлар, ижара тўловлари ва кўрсатилadиган хизматлар қийматининг янги миқдорларини жорий этиш тўғрисида”ги қароридан келиб чиқиб ишлаб чиқилганлиги айтди.

Маърузачининг берилган саволларга жавобидан сўнг, раислик қилувчи акциядорлардан ушбу масала бўйича овоз бериш бюллетенларига ўз муносабатларини билдиришларини сўради.

Кун тартибидаги **олтинчи** масала юзасидан мажлис раиси сўзга чиқиб, жамият Кузатув Кенгаши қарорига мувофик жамият масъул ишчи-ҳодимларидан тузилган танлов ҳайъати томонидан Ўзбекистон Республикаси Президентининг 2015 йил 24 апрелдаги “Акциядорлик Жамиятларида замонавий корпоратив бошқарув услубларини жорий этиш чора-тадбирлари тўғрисида”ги 4720-сонли Фармони ижроси юзасидан жамият ижро этувчи орган раҳбари (директор) лавозимига муносиб кадр танлаш мақсадида танлов ўтказилди.

Ижро этувчи орган раҳбари (директор) лавозимига нисбатан қўйилган малака талаблари кўрсатилган ҳолда рўзномага, жамият веб сайтига, корпоратив ахборот ягона портали (openinfo.uz)га эълон берилди.

Танлов давомида Нигматов Шерзод Ботир ўғли ижро этувчи орган раҳбари лавозимига ўз номзодлиги бўйича таклифини берди.

Мажлис раиси ушбу масала бўйича бошқа савол ва таклифлар бўлмаганлиги муносабати билан акциядорлардан ўз бюллетенларига овозларини қайд этишларини сўради.

Раислик қилувчи кун тартибидаги **еттинчи** масалага ўтиб, 2025 йилда жамиятнинг Кузатув Кенгаши аъзолигига номзодлар тарқатилган овоз бериш бюллетенларида келтирилганлигини билдириб, акциядорлардан ушбу масала бўйича кумулятив овоз бериш йўли билан овоз бериш бюллетенларида ўз муносабатларини билдиришларини сўради.

Кун тартибдаги **саккизинчи** масала юзасидан жамиятда Корпоратив бошқарув тизимини баҳолашни ўтказиш учун <https://exarid.uzex.uz/> сайтида ўрилатилган тартибда эълон жойлаштирилганлиги, ушбу эълонга асосан "SMART AUDIT" МЧЖ аудиторлик ташкилотининг таклифи кенгаш томонидан маъқулланганлигини айтди ва "FTF-LEA-AUDIT" МЧЖ аудиторлик ташкилоти томонидан жамиятда ўтказилган Корпоратив бошқарув тизимини баҳолаш ишлари юзасидан тайёрланган маълумот билан таништириш учун сўз жамият мутахассиси И.Урунбоевга берди.

И.Урунбоев сўзга чиқиб, жамиятда Корпоратив бошқарув тизими самарадорлигини баҳолаш "FTF-LEA-AUDIT" МЧЖ томонидан ўтказилганлигини, "Корпоратив бошқарув тизими самарадорлигини баҳолаш натижаларига кўра "Чорсу буюм савдо комплекси" АЖ -191 балл йиғиб, унга "паст" баҳо берилганлигини, фоиз жиҳатидаги якуний баҳоси -16 % ташкил этганини айтиб ўтди ва йиғилиш қатнашчиларини хулоса билан таништирди (*жамиятни Корпоратив бошқарув тизими самарадорлигини баҳолаш бўйича хулосаси ва ҳисобот илова қилинади*).

Раислик қилувчи акциядорлардан ушбу масала бўйича овоз бериш бюллетенларида ўз муносабатларини билдиришларини сўради.

Кун тартибдаги **тўққизинчи** масала юзасидан жамият бош бухгалтер мовуни Г.Абдусоторова сўзга чиқиб, амалдаги қонунчиликка мувофиқ жамиятда ўтказиладиган мажбурий аудиторлик текширувида жамият аудиторини тасдиқлаш ва унга тўланадиган ҳақининг энг кўп миқдори чегарасини белгилаш акциядорларнинг умумий йиғилиш ваколатига берилиши муносабати билан халқаро стандартларга кўра аудиторлик текширувини ўтказилиши бўйича тижорий таклиф берилиб, ушбу таклифларга асосан қуйидаги ташкилотлардан таклифлар тушганини айтиб ўтди:

1. МЧЖ "SMART AUDIT" АТ 15,0 млн сўм ҚҚС билан,
2. МЧЖ "FTF LEA AUDIT" АТ 17,5 млн сўм ҚҚС билан,
3. МЧЖ "OSIYO AUDIT" АТ 16,2 млн сўм ҚҚС.

Раислик қилувчи акциядорлардан ушбу масала бўйича овоз бериш бюллетенларида ўз муносабатларини билдиришларини сўради.

Кун тартибдаги **ўнинчи** масала бўйича жамиятнинг кадрлар бўйича масъул ходими сўзга чиқиб, жамиятнинг ташкилий тузилмасида бўладиган ўзгаришлар лойиҳаси билан йиғилиш қатнашчиларини таништириб ўтди.

Ушбу масала бўйича ҳеч кимда савол бўлмаганлиги боис, раислик қилувчи акциядорлардан ушбу масала бўйича овоз бериш бюллетенларида ўз муносабатларини билдиришларини сўради.

Кун тартибдаги **ўн биринчи** масала бўйича мажлис раиси сўзга чиқиб, ҳисоб-китобларга кўра жамиятнинг устав капиталини кўшимча акциялар чиқарилиши йўли билан кўпайтириш ва уларни жойлаштириш муддатлари ҳамда шартларини белгилаш тўғрисидаги масалани кейинги йиғилишга ёки кузатув кенгаши қарори билан кейинчалик кўзриб чиқилишини тушунтириб ўтди. Яъни капитализацияга йиғилган маблағлар жамият устав капиталини оширишга етмаслигини билдириб ўтди.

Кун тартибдаги **ўн иккинчи** масала ҳам мажлис раиси тушунтириб бериб, ушбу масала аввалги масалага боғлиқлигини билдириб, ушбу масалани ҳам кейинги йиғилишда ёки кенгаш қарори билан кўриб чиқиш таклифини киритди.

Кун тартибдаги **ўн учинчи** масала бўйича жамият мутахассиси сўзга чиқиб, қонунчиликка кирган ўзгаришлар инобатга олинган ҳолда "Жамиятнинг Кузатув кенгаши ҳақида"ги низоми янги таҳрирда тайёрланганлигини билдириб, йиғилиш қатнашчиларини низом билан таништириб ўтди.

Раислик қилувчи умумий йиғилиш кун тартибдаги барча масалалар кўриб чиқилганини айтиб, овоз бериш натижалари саноқ хайъати томонидан аниқлангунга қадар танаффус эълон қилди.

(танаффусдан сўнг)

Саноқ хайъати йиғилиш қатнашчиларини овоз бериш натижалари билан таништирди.

1-масала Ёклаган 628 542–100 % Қарши 0–0% Бетараф 0–0%	2-масала Ёклаган 628 542–100 % Қарши 0–0% Бетараф 0–0%	3-масала Ёклаган 628 542–100 % Қарши 0–0% Бетараф 0–0%
4-масала Ёклаган 628 542–100 % Қарши 0–0% Бетараф 0–0%	5-масала Ёклаган 628 542–100 % Қарши 0–0% Бетараф 0–0%	6-масала Ёклаган 628 542–100 % Қарши 0–0% Бетараф 0–0%
7-масала 7.1. Расулов Камолитдин Райимберди ўғли 628 542 та овоз 7.2. Ирматов Мурад Абдукаҳарович 628 542 та овоз 7.3. Иброҳимов Тўлқин Собитович 628 542 та овоз 7.4. Чоршанбиев Акмал Қурбанович 628 542 та овоз 7.5. Камолов Толмас Каримович 628 542 та овоз		
8-масала Ёклаган 628 542–100 % Қарши 0–0% Бетараф 0–0%	9-масала 1. "SMART AUDIT" МЧЖ 15 000 000 сўм Ёклаган 628 542 100%, Бетараф 0–0%, қарши 0–0 %	
10-масала Ёклаган 628 542–100 % Қарши 0–0% Бетараф 0–0%	11-масала Ёклаган 628 542–100 % Қарши 0–0% Бетараф 0–0%	
12-масала Ёклаган 628 542–100 % Қарши 0–0% Бетараф 0–0%	13-масала Ёклаган 628 542–100 % Қарши 0–0% Бетараф 0–0%	

Раислик қилувчи кун тартибидаги барча масалалар кўпчилик овоз билан қабул қилинганини билдирди. Санок ҳайъати баённомаси бир овоздан тасдиқланди.

КУН ТАРТИБИДАГИ БАРЧА МАСАЛАЛАР АТРОФЛИЧА МУҲОКАМА ҚИЛИНИБ ҚАРОР ҚИЛИНДИ:

1. «Чорсу буюм савдо комплекси» акциядорлик жамияти ижроия органи ҳамда Кузатув кенгашининг йиллик ҳисоботи ва улар томонидан жамиятни ривожлантириш стратегиясига эришиш бўйича кўрилатган чора-тадбирлар тўғрисидаги ҳисоботлари тасдиқлансин. (Ёклаган 628 542–100 %, Қарши 0 – 0 %, Бетараф 0–0 %, овоз бермади 0 – 0 %).

2. Жамиятнинг 2024 йил якуни бўйича молиявий-хўжалик фаолияти юзасидан « SMART AUDIT » МЧЖ аудиторлик ташкилотининг ижобий аудиторлик хулосаси инобатга олинсин. (Ёклаган 628 542– 100 %, Қарши 0 – 0 %, Бетараф 0 – 0 %, овоз бермади 0 – 0 %).

3. Жамиятнинг 2024 йил якуни бўйича йиллик ҳисоботи инобатга олинсин ва тасдиқлансин (Ёклаган 628 542– 100 %, Қарши 0 – 0 %, Бетараф 0 – 0 %, овоз бермади 0 – 0 %).

4. Жамиятнинг 2024 йил молиявий-хўжалик якуни бўйича фойда ва зарарлар ҳисоб-варағи тасдиқлансин.

4.1. Жамиятнинг 2024 йил молиявий-хўжалик якуни бўйича 795 585,0 минг сўм миқдорида олинган соф фойдасининг 50% қисми яъни, 397 792,5 минг сўми акциядорларга дивиденд тўлашга йўналтирилсин, жамиятнинг захира жамғармаси тўлишига оз қолганлиги инобатга олиниб, соф фойдани 23352450 сўми жамиятнинг захира жамғармасига ажратилсин (шунда захира жамғарма 100% тўлади), кузатув кенгашига ва ижроия органига (ҳодимларига) 158251521 сўм ажратилсин ва қолган 216188529 сўм жамият устав капиталини капитализация йўли билан кўпайтиришга йўналтирилсин.

5. Жамиятнинг 2025 йилга мўлжалланган «Бизнес-режа»си ҳамда “Даромадлар ва харажатлар сметаси режаси” иловага мувофиқ, кейинчалик зарур ҳолларда Кузатув кенгаши томонидан асосланган ҳолда ўзгартириш киритиш шарти билан, тасдиқлансин. Жамият ижроия органига «Бизнес режа» параметрларини тўлиқ бажариш чораларини кўриш юклатилсин (Ёклаган 628 542– 100 %, Қарши 0 – 0 %, Бетараф 0 – 0 %, овоз бермади 0 – 0 %).

6. Жамият директори этиб Ниғматов Шерзод Ботир ўғли сайлансин.

6.1 Ўзбекистон Республикасининг 2022 йил 29 мартдаги Ўзбекистон Республикасининг 2022 йил 29 мартдаги “Корпоратив бошқарув тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги ЎРҚ-760-сонли қонуни талабидан келиб чиқиб, жамият директори Ш.Нигматовнинг меҳнат шартномаси уч йил муддатга тузилсин (ёқлаган 628 542 та овоз – 100 %, қарши – йўқ, бетараф– йўқ).

6.2. Белгилаб қўйилсинки, ҳар йили йил якуни бўйича бўлиб ўтадиган акциядорлар умумий йиғилишида жамият директорининг меҳнат шартномаси масаласи кўриб чиқиладиган ва бунда меҳнат шартномани давом эттирилишига жамият директорининг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариши ҳолатига, ҳар чорак якуни бўйича жамият кузатув кенгаши олдида бералган ҳисоботларининг даврийлигига қаралади.

7. Жамият Кузатув Кенгаши аъзолигига кумулятив овоз бериш йўли билан қуйидагилар сайлансин:

7.1. Расулов Камолиддин Райимберди ўғли	628 542 та овоз
7.2. Иброҳимов Тўлқин Собитович	628 542 та овоз
7.3. Акрамов Акбаржон Акмал ўғли	628 542 та овоз
7.4. Чоршанбиев Акмал Курбанович	628 542 та овоз
7.5. Камолов Толмас Каримович	628 542 та овоз

8. Корпоратив бошқарув тизимини баҳолаш натижалари қабул қилинсин ва жамият кузатув кенгаши ҳамда ижроия органига аниқланган камчиликларни бартараф этиш вазифаси юклатилсин (ёқлаган 628 542 – 100 %, Қарши 0 – 0 %, Бетараф 0 – 0 %, овоз бермади 0 – 0 %).

9. Жамиятнинг 2025 йил фаолияти учун жамият аудитори этиб “« SMART AUDIT” МЧЖ аудиторлик ташкилоти тасдиқлансин ва унга тўланадиган ҳақининг энг кўп чегараси 15.000.000 сўм миқдоригача этиб белгилансин (ёқлаган 628 542 – 100 %, Қарши 0 – 0 %, Бетараф 0 – 0 %, овоз бермади 0 – 0 %).

10. Жамиятнинг ташкилий тузилмасига ўзгартиришлар киритилсин ва қайта тасдиқлансин (ёқлаган 628 542 – 100 %, Қарши 0 – 0 %, Бетараф 0 – 0 %, овоз бермади 0 – 0 %).

10.1. Жамият директори Ш.Нигматовга Ўзбекистон Республикаси Меҳнат қонунчилиги талабларидан келиб чиққан ҳолда, ташкилий тузилмага киритилган ўзгартиришларни қонун доирасида расмийлаштириш вазифаси юклатилсин.

11. Жамиятнинг устав капиталини қўшимча акциялар чиқарилиши йўли билан кўпайтириш ва уларни жойлаштириш муддатлари ҳамда шартларини белгилаш масаласи кейинги йиғилишларда кўриб чиқирилиши белгилаб қўйилсин;

12. Қўшимча акциялар чиқариш тўғрисидаги қарорни тасдиқлаш масаласи кейинги йиғилишларда кўриб чиқирилиши белгилаб қўйилсин;

13. Жамиятнинг “Кузатув кенгаши ҳақида”ги Низомига ўзгартиришлар киритилсин ва тасдиқлансин. (ёқлаган 628 542 та овоз – 100 %, қарши – йўқ, бетараф– йўқ).

Баённома имзоланган сана: « ____ » апрел 2025 йил.

Йиғилиш раиси



Т.Камолов

Баёни олиб борди



И.Урунбоев